



Na osnovu čl. 68. stav (1) i 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 10. Pravilnika o javnim nabavkama Visokog sudskog i tužilačkog vijeća Bosne i Hercegovine broj: 08-02-2-1826-1/2019 od 14.05.2019. godine, direktor Sekretarijata Visokog sudskog i tužilačkog vijeća Bosne i Hercegovine, donosi

## **O D L U K U** **o poništenju postupka**

### Član 1.

(Predmet odluke)

Poništava se konkurentski zahtjev za dostavu ponuda za nabavku roba, LOT 3 – Sto.

### Član 2.

(Razlog poništenja)

Predmetni postupak se poništava iz razloga što izabrani ponuđač Larix d.o.o. nije dostavio tražene dokaze iz člana 45. Zakona o javnim nabavkama.

### Član 3.

(Stavljanje van snage ranije odluke)

Odluka o izboru najpovoljnijeg ponuđača, broj 05-16-4-3588-32/24 od 24.10.2024. godine se stavlja van snage.

## **O b r a z l o ž e n j e**

Postupak javne nabavke proveden je putem Konkurentskog zahtjeva za dostavu ponuda. Obavještenje o nabavci objavljeno je u sistemu „E-nabavke“, broj obavještenja o nabavci: 172-7-1-209-3-73/24 dana 04.10.2024. godine. Primljene su ponude ponuđača Larix d.o.o. i GRADIZ d.o.o. Sarajevo.

Komisija za nabavke imenovana Rješenjem o imenovanju br. 05-16-4-4346-1/23 od 26.12.2023. godine i 05-16-4-419-2/24 od 16.09.2024. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-3588-28/24 od 23.10.2024. godine (u daljem tekstu: Zapisnik) je u prilogu ove Odluke) i utvrdila da je ponuda GRADIZ d.o.o. neprihvatljiva jer ponuđač nije ispunio zahtjeve iz Konkurentskog zahtjeva broj 05-16-4-3588-2/24 od 04.10.2024. godine (u daljem tekstu: Konkurentski zahtjev), a u skladu sa članom 68. stav (4) tačka i) Zakona o javnim nabavkama.

Ponuda ponuđača Larix d.o.o. je ocijenjena kao prihvatljiva, budući da je u skladu sa uslovima iz Konkurentskog zahtjeva i u okviru budžeta planiranog za predmetnu nabavku.

U skladu sa prethodno navedenim, a na preporuku Komisije za nabave, donesena je Odluka o izboru najpovoljnijeg ponuđača broj 05-16-4-3588-32/24 od 24.10.2024. godine (u daljem tekstu: Odluka o izboru), kojom je ugovor za LOT 3 – Sto dodijeljen ponuđaču Larix d.o.o.

Dana 24.10.2024. godine, putem elektronske pošte, ponuđaču Larix d.o.o. je dostavljena Odluka o izboru i informacija o rezultatima postupka nabavke, te je ponuđaču Larix d.o.o. od tog dana počeo teći rok od pet dana za dostavu dokaza iz člana 45. Zakona o javnim nabavkama, budući da iste nije dostavio uz ponudu.

Budući da izabrani ponuđač Larix d.o.o. nije dostavio dokaze zahtijevane tačkom 3.1.4. Konkurentskog zahtjeva, a u vezi sa članom 45. Zakona o javnim nabavkama, te da je njegova ponuda jedina prihvatljiva, ugovorni organ stavlja van snage Odluku o izboru i poništava postupak javne nabavke roba, LOT 3 – Sto.

Uzimajući u obzir navedeno, odlučeno je kao u dispozitivu ove odluke.

## Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-3588-40/24

Datum: 31.10.2024. godine

  
MP  
Direktor Sekretarijata  
Admir Suljagić

Dostavljeno:

- Ponuđačima,
- Odjelu za finansije i računovodstvo,
- a/a.